



## Universitätsbibliothek Paderborn

**Dissertatio Paraenetico Apologetica In Vitam Mirabilem,  
& Cœlestes Revelationes Venerabilis Virginis Marinæ De  
Escobar Vallisoletanae, Ordinis Sanctimonialium S.  
Brigittæ in Hispania Fundatricis**

**Tanner, Jan**

**Neap., 1690**

De duobus extremis, vel credulitatis nimiæ, & securitatis, vel nimiæ  
incredulitatis, & timoris, in visionum, & revelationum censura, &  
qualificatione fugiendis. Ex doctrina, quam Venerabilis Pater ...

**urn:nbn:de:hbz:466:1-41415**

# APPENDIX<sup>97</sup>

## AD DISSERTATIONEM

De duobus extremis , vel credulitatis nimiæ , &  
securitatis; vel nimiæ incredulitatis, & timo-  
ris , in visionum , & revelationum  
Censura , & Qualificatione  
fugiendis .

*Ex Doctrina, quam Venerabilis Pater Ludovicus  
à Ponte varijs in locis suorum Asceti-  
corum operum tradit .*

1. **C**um Viris in rebus etiam Spiritualibus ma-  
xime versatis difficilimum sit , recta ad Cē-  
suram visionum, & revelationum incedere  
via , quin vel ad credulitatis nimiæ , vel nimiæ incre-  
dulitatis semitam declinent , & utrumque sit in simili-  
bus æquè pericolosum : ad utriusque extremi periculū  
vitandum , regulas in hac Appendice proponam uni-  
versales, ex operibus Asceticis Venerabilis Patris Lu-  
dovici à Ponte depromptas, & à tanto vitæ Spiritualis  
Magistro , ut veriores , & securiores ad hunc Scopum  
traditas . Hæ præsertim reperiuntur in summa illa ce-  
lesti doctrina mysticæ Theologiae plena, cui titulus est  
*Dux Spiritualis hispanicè Guia Spiritual* , in qua , de-  
oratione , meditatione , & contemplatione , deque  
visitationibus divinis, gratiis , & extraordinariis mo-  
dis, quibus Deus hominibus loquitur , accuratè disse-  
rens ; ad discernendas à falsis veras visiones , inspira-  
tiones , & revelationes Dei, boni, verique spiritus im-

N pul-

pulsus regulas prædictas, mirabili, & planè cœlesti lumine plenas, ne in re tanti momenti erraremus, nobis scriptas reliquit. In hoc enim Duce Spirituali tract. I. cap. 23. § 1. sic ait.

2. Primum igitur est o fundamentalum, amplecti consilium S. Joannis 1. Epist. 4. 1. dicentis: Nolite omni spiritui credere, sed probate spiritus, si ex Deo sint. Si enim te absq; hoc examine proyrias, ut credas quodcumque spiritus internè tibi dicit, graves illusiones ac deceptions patieris; vel quia fidem adhibebis falso spiritui, credens esse verum, aut non adhibebis vero, credens esse falsum, & admittes Angelum Satanae, credens esse Angelum lucis, aut reiicies Angelum lucis, existimans esse Angelum Satanae; cum utrumq; sit valde perniciosum: neq; enim minus nocet portam cordis Deo pulsanti claudere, credendo esse dæmonem: quam pulsanti dæmoni aperire, si credas esse Deum. Et æquè perniciosum est, spiritum bonum (ut Apostolus ait) ad Thess. 5. 19. extinguere, Sanctasq; ejus inspirationes, atq; est fovere malum, & execrandas ejus suggestiones. Necesse ergo est omnes spiritus probare, ut eos amplectamur & sequamur, qui sunt Dei: repellamus vero eidem contrarios. Hoc supposito fundamento latè hanc materiam ibi versat; & cap. 24. agit de aliis regulis, & magis particularibus indiciis boni spiritus, & admirandis ejus effectibus,

3. Tractat etiam hanc materiam in eodē Duce spirituali tract. 3. qui est, *de perfecta contemplatione, & unitione cum Deo;* præsertim cap. 8. in quo agit de tribus extraordinariis contéplationis formis, in quibus Deus D.N.mysteria sua manifestat per figuræ corporeas, aut imaginarias, ac etiā sine illis: ac de admirandis effectibus ac proprietatibus earum. Ubi postquam explicuit primum modum, quo Deus loquitur per figuræ aliquas, imagines, aut externa signa, quæ sensibus cor-

po-

poris, & omnino vigilantibus percipiuntur; & quæ tanquam instrumenta accipit ad illustrandum spiritum, ut intelligat mysteria, quæ illi repræsentant: sunt enim veluti specula, in quibus videt anima divina mysteria, quæ Deus illi manifestat. Quo pacto in rubo ardenti Exodi 32. seipsum manifestavit *Moysē*. Et Joanni Baptista manifestavit abundantiam spiritus divini requiescentis super Christum per *Columbam de Cœlo manentem super ipsum*: & abundantiam spiritus communicati Apostolis per *linguas ignis*. Postquam hoc, in quam, explicuit, transit ad explicandum modum contemplationis per interiores figuræ in parte animæ inferiore, quam imaginationem, vel sensum internum appellamus; in quibus solet Deus seipsum nobis manifestare, suaque mysteria revelare altero è duobus modis, ut ait S. Thomas 22.q.174.ar.2.& 3. vel imagines, & figuræ, quæ prius in eis erant, ita disponendo, & ordinando, ut id referant, quod ipse intendit; aut alias recens figuræ formando, per quas illustret intellectum ad intelligendum, & penetrandum, quod illi repræsentant, & ibi ex scripturis probat, hoc modo frequenter Deum egisse cum Profetis veteris, & novi testamenti.

4. Postea autem nu. 3. addit. Et quoniam manus Domini non est abbreviata, nec alia nunc est, quam fuerit olim, etiam nunc concedit multis personis rarae virtutis, quas ipse in suas accepit, hunc modum contemplationis, seipsum illis ostendendo, aut in forma infantuli, aut in cruce, aut in aliis figuris, & imaginibus; quæ divinas personas repræsentant, aut Angelos, aut Sanctos, aut alia varia mysteria, quod totum geritur in facultate animæ imaginatrice, in qua ponit Deus speculum sive librum, in quo superior intellectus pars, divina luce illustrata, videat legatq; ingentibus admirationis, & amoris affectibus, quod illi Deus vult revelare. Nam hujusmodi imagines, etiam sunt tan-

quam signacula imprimentia in anima veritates, virtutesque cœlestes, quas referunt: idq; modò cum teneritate quadam, & suavissimis lacrymis; modò cum jubilis, & exultationibus jucundissimis; modò cum arctissimæ charitatis unitione, qua quietissimè Deum ipsum complectitur, licet magna cordis vehementia. Interdum veluti suspensa aspiciens, & audiens: nihil tamen loquens; licet aliquando etiam loquatur; quamvis parcè: &, cum opus est, petit aliquid sibi, aut aliis juxta necessitatem, quæ impulit ad orandum; aut juxta Dei inspirationem ad id inducentis: semper tamen adeò mutatam, & cum tanto profectu se deprehendit, ut facile advertatur, esse Deum, qui per eas imagines loquatur, & talia in ipsa faciat.

Deinde in eodem capite 8.§.2, agit de supernatura-  
li contemplatione per similitudines, & in primis pro-  
bat figuras imaginarias infusas à Deo in contem-  
platione multum differre ab iis, quas nos industriâ nostrâ  
in imaginatione formamus; & earum discrimē assignat.  
*Nostræ enim figuræ* ( inquit ) *ut plurimum sunt de rebus,*  
*gnas vidimus, aut audivimus, aut alio sensu percepimus,*  
*hæ verò plerumque sunt rerum, quas nunquam vidimus,*  
*neque audivimus, neque in cogitationem nostram incide-*  
*runt. Nostræ sunt meræ figuræ, quæ ad summum emol-*  
*liunt aliquantulum cor, suntque ex usu ad intellectus*  
*ratiocinationem: At hæ sunt vivacissimæ, eo quod in*  
*eis repræsentetur DEUS vivens, Et Angeli, & Sancti*  
*eius: efficiuntque effectus stupendos in intellectu, &*  
*volutate, ad quos nullis nostris viribus aut industria per-*  
*tingere possemus. Illæ nostræ brevi tempore durant, &*  
*facile transeunt, estque nobis liberum eas, vel accipe-*  
*re, vel dimittere. Illæ Dei remanent valdè affixæ animæ*  
*nostræ, earumque effectus diutissimè durant cum ma-*  
*gno profectu nostro, veniunt tanta divini spiritus vi, ut*  
*non possimus prætermittere, quin eas acceptemus, &*  
*quid*

quid per eas nobis dicatur, attendamus. Nostræ denique semper ferè sunt eadem: in his vero stupenda est varietas plurimæ comparationes, & gratissime similitudines, quæ celestium Mysteriorum arcana nobis aperiunt. Deinde subiungit: Et hic modus comparationum frequentissimus est in contemplatione, eo quod DEUS D. N. accommodet se nostro modo cōcipiendi res spirituales per corporis similitudines. Et in hoc sensu S. Bernardus declarat illā promissionē, quā fecit cant. 1. 10. DEUS suæ spōsæ, cupienti ipsum videre in claritate meridie, dixit enim Murrenulas aureas faciemus tibi, vermiculatas argento, si-  
ve juxta aliam versionem, similitudines auri fabri faciemus tibi, cum distinctionibus argenti, quasi diceret il- li, revelabo tibi mysteria divinitatis meæ, per varias sensibilium rerum similitudines, quibus fides per auditum in- gressa, valde illustretur, & confirmetur. Divinæ res, in- quic Bernardus sunt quas dicimus, sed nemo illas bene assequetur, nisi qui sit expertus. Quæ tamen declarari possunt ex iis, quæ Verbum Incarnatum in suis sermo- nibus afferebat, declarans Mysteria Regni Cœlorum per parabolas, & similitudines harum rerum visibilium. Et in hunc modum internè imprimit imaginationi nostræ præclaras similitudines, & comparationes, quæ illustrantes intellectum, jucundissimam, & valdè claram reddunt meditationem, & contemplationem divinorum Mysteriorum. Quoniam vero res hujusmodi delicatae exemplis melius capiuntur, duo, vel tria recentia valdèque utilia hic ponam, cujusdam personæ jam vita functæ, cui hujusmodi visiones erant valdè frequentes: de cuius veritate, ac virtute prop- terea sum securus, quod in ea inveniantur illa indicia, & signa, quæ in primo tractatu sunt posita. Et statim addu- cit tria egregia exempla visionum sensibilium, quas habuit illa persona, quæ sanè diversa fuit à Venerabili Marina de Escobar; nam hæc super vixit novem annis

Ve-

Venerabili Patri, qui obiit anno 1624. illa autem jam obierat anno 1608. quando hæc scripsit V. Pater.

Materiam hanc egregie prius explicuit magnus hic vitæ spiritualis Magister tomo primo meditationum parte 3. meditatione 19. nam expendens, quomodo Christus Dominus super mare ambulás. *Mat. 6.43. phantasma à discipulis existimatus fuerit*; hinc varia documenta elicit ad discernendum Christi verum spiritum à fantastico, sive imaginario, verumque, & solidum fervorem, & affectus, quos DEUS, dum pias animas visitat, in oratione jucunda sua præsentia in eis efficit; *Sic enim loquitur punc⁹ 3. illius meditationis.*

*Circa verbum illud ( inquit ) Apostolorum, quia phantasma est, consideranda sunt tria hominum genera, qui cū Christo Domino agentes, alios atque alios de ipso, e iusq; rebus conceptus habent. Alii enim quod re ipsa phantasma est, & umbra fantastica, Christum verum esse existimant; somnia enim sua, & imaginarias apprehensiones pro certis verisque habent revelationibus; affectus, & animi sui perturbationes, veras judicant esse virtutes; nam imprudentem iram suam, zelum existimant; turpem amorem dicunt esse spiritualem. Hi ut plurimum sunt superbi, præsumentes, & proprio judicio nimium tribuentes. Quamobrem sæpè Satanas se transfigurans in Angelum lucis, eis persuadet propriam ipsorum sententiam, verissimam esse lucem; cum verè sint tenebrae: & alias proprium ipsorum judicium, Satanae fungens officio, facit eos credere omnes internos suos motus, & instinctus esse ab spiritu S. cùm re ipsa d proprio suo, carnali, seculari, superbo cæcoq; dictentur. Alias propria imaginatio, cum capit is præsertim imbecillitate, eos decipit, dum adeo vivam Christi imaginem sibi illa effingit, ut Christum ipsum verum existiment, & fictitio hoc favore inaniter evanescunt, sibi persuadentes ea verba, quæ paulò antè ipsi fortè cogitaverant, aut quæ libenter audirent ab ipso*

ipso Christo esse prolatæ. Ac denique etiam ipsi valde spirituales, qui veras DEI inspirationes habere consueverunt, judicant interdum tales esse, proprias ipsorum ratiocinationes, sicut Nathan Prophetæ accidit 2.Re.7.3.13. cum dixit David, cogitanti domum Domino ædificare: Omnes, inquit, quod est in corde tuo, vade, & fac: quia Dominus tecum est. Adnotavit autem S.Gregor.2.Dialog.21. & Homil.2.in Ezech. Non ex revelatione id dixisse Nathan.sed ex proprio judicio, siquidem eadem nocte dixit Dominus eidem Nathan, ut diceret Davidi, non ipsum.sed filium ejus domum Nominis Domini ædificaturum, Eodem etiam modo decepti de aliorum spiritualibus motionibus judicium faciunt; fidem facile iis, quæ ipsis dicuntur, adhibentes, seq; signis externis apparentijsque induci patientes. Ex quo fit, ut approbent ea, quæ verè sunt phantasmatæ; illamq; viam teneant, de qua Prov.14.21. Spiritus Sanctus; Est via, quæ videtur homini justa, novissima autem ejus deducunt ad mortem.

Alii contrà omnino, quod vere Christus est, Phantasma existimant, & solidam virtutem appellant passionem; verā inspirationem, proprii spiritus impulsū judicant juxta illud Mat.6.48. At illi, ut viderunt eum ambulantem super mare, putaverunt phantasma esse, & conturbati præ timore clamaverunt dicentes, quia phantasma est. Tales solent esse nimis timidi, scrupulosi, & ignari, qui ob suam ignorantiam, aut timidam, & melancolicam complexionem illic trepidaverunt timore, ubi non erat timor. Psal. 52.6. Quod interdum etiam iis accidit, qui in via spiritus aliquos progressus fecerunt: cùm graves aliquæ tētationes, & tempestates exurgunt; sicut in hac occasione, Apostolis accidit, ipso Christo Domino has tenebras, dubiaq; permittente: sit ne Deus, an Phantasma, quod ipsis oculis cernunt, & experientia noverunt: quò sic exerceantur, & roborentur, crescantq; in humilitate, & aliis virtutibus, tunc enim

enim terribilior censenda tentatio est, cùm illud ipsum, quod  
Deus tamquam remedium mihi offert, novam interpretor  
deceptionem. Et similiter decepti aliqui increduli, & inex-  
pertii de aliorum spiritualibus motionibus sentiunt, de iis,  
quæ ignorant, blasphemantes: existimantes, visiones omnes  
ac revelationes, & opera, quæ vident, audiuntve admirā-  
da, phantasmatæ, atque deliria esse. Idque perinde ase-  
runt, atque si hisce temporibus nemini se Deus, sicut olim  
Sanctis communicaret. Utrumque hoc ex S. Greg. hom.  
5. in Ezech. extremè est perniciosum: neque enim minus ma-  
lum censeri debet, si Christum existimes esse phantasma,  
quam si contra habeas phantasma pro Christo, aut repellas  
quod est DEUS, existimans esse dæmonem, quam admitte-  
re quod re vera est dæmon, existimans esse DEUM: Et  
æquè noxiū est si carnis impetum sequaris, credens esse  
Spiritus S. atque spiritus impulsu[m] extinguere, credens es-  
se carnis impetum.

Tertium hominum genus medium tenet viam, quæ est  
juxta S. Ioan. consilium. Nolite omni spiritui credere,  
sed probate spiritus, si ex DEO sint: quo examine præ-  
misso, gratia DEI assistente judicium quale opportet de re-  
bus omnibus faciunt, ac distinguunt id, quod est verè Chri-  
stus, ab eo quod est phantasma, & mera apprehensio, tam  
in rebus propriis, quam alienis, quas examinant, soletque  
DEUS ad id conferre donum illud, quod Apostolus 1. Cor.  
12. 10. spirituum discretionem appellat, quod præcipue  
Magistris Ecclesiæ communicat, quos propterea Examina-  
tores, & spirituum malorum Probatores appellat. Hier. 6.  
27. Ad quos propterea par est eos recurrere, qui sunt mi-  
nus experti, ne decepti aut falsum aurum pro vero recipiant,  
aut verum tanquam falsum reiiciant. Debemusq; omnes  
hanc cœlestem lucem à Christo Domino nostro ne aberre-  
mus, petere dicentes: O cœlestis Magister, & verè Spi-  
rituum Ponderator: Pro. 16. 2. ne quæso me patiaris eam  
tibi

tibi iniuriam inferre, ut phantasma appellem quod verè  
DEUS est, aut DEUM, quod est verum phantasma.  
illustra me potius divina luce, ut alterum horum ab alte-  
ro discernere valeam: adjuva me etiam, quò boni Spri-  
tus impetum sequar; fugiam verò mali. Amen.

Et postea tom.2.Meditat.par.4.Meditat.6.expēdens  
quod narrat S. Lucas cap.22. & Marcus cap.16. quo-  
modo piæ mulieres regressæ à monumento, narrave-  
runt Apostolis lugentibus,& flentibus quæ audierunt ab  
Angelis de Christi resurrectione; sed illi audientes, quia  
Jesus viveret; non crederunt illis:& visa sunt ante illos  
sicut deliramenta verba ista. Hæc, inquam, expendens,  
hoc insigne tradit documentum. Ex his discam,(inquit)  
duo mihi extrema esse vitanda; alterum eorum: qui levissimè  
adhibent fidem quibusvis muliercularum revelationi-  
bus, & visionibus, non sine periculo credendi multa, quæ  
sunt plane deliria, somnia, aut imaginationis mere appre-  
hensiones; altetum est duriorum, & valde ad credendum  
difficilium, qui omnia estimant deliramenta, qui maximus  
est etiam error: nam licet sint fœminæ, & homines plane  
ignari, solent interdum ob suam devotionem, & fervorem  
fieri d:gni, quibus veræ fiant apparitiones Angelorum, &  
ipsorum Domini, sicut in præsenti casu cernere licet: ac pro-  
pterea merito est illis fides adhibenda; præcipue cum eadem  
visiones occidant in confirmationem veritatum San-

Et æ nostræ fidei. Nec minor est error, delirium  
imaginationis, revelationem Dei ap-  
pellare; quam contraria, revela-  
tionem Dei, appellare de-  
lirium imagina-  
tionis.

O

IN-